

ერთიგავრცელებულიმოსაზრების თანახმად, მე-20საუკუნისფილოსოფია და არა მხოლოდ ფილოსოფია, არამედ მთლიანად მე-20საუკუნის კულტურა დგას სამ პიროვნებაზე. ეს სამი პიროვნებაა: კარლ მარქსი,ზიგმუნდფროიდიდა ფრიდრიხ ნიცშე.არსებობს ასეთი მოსაზრებაც, რომ თუკი მე-20საუკუნის კულტურა დგას

ფროიდსადამარქსზე,კონტრკულტურადგასანიცშეზე.ეს აზრი ეკუთვნის ფრანგ ფილოსოფოსს,ჟილდელიოზს.ამით ხაზი უნდა გაესვას იმას, რომ, ფაქტობრივად, მე 20 საუკუნის კულტურის წარმოდგენა და მასზე ფიქრი კარლ მარქსისგარეშე შეუძლებელია. მარქსი,რომელიც, პირველ რიგში, ასოცირდებაიმმარცხენეობასთან,სოციალისტურ თუ კომუნისტურ თეორიებთან და იგი იგივეება გარკვეულ პოლიტიკურ მოვლენებთან, ამავე დროს ის, პირველ რიგში, იყო ფილოსოფოსი, ეკონომისტი, ავტორი სოციალური და პოლიტიკური თეორიების და განსაკუთრებით საინტერესოარის აგრეთვე მარქსი,როგორც მწერალი, რომელმაც ფაქტობრივად ახალი ჟანრი ან ახლებური სტილიც კი შექმნა გერმანულ ლიტერატურაში და გერმანულ პუბლიცისტიკაში. ამდენად, ამ მხრივ, საკმაოდ მრავალსახოვანი, მრავალფეროვანი პიროვნება იყო მარქსიდა მისი ნააზრევის გაგება შეუძლებელიც კია იმ პოლიტიკური თუ ისტორიული კონტექსტების ცოდნის გარეშე, რომელშიც მას ცხოვრება და მოღვაწეობა უხდებოდა.

კარლ მარქსი დაიბადა 1818 წლის 5 მაისს გერმანულ ქალაქ ტრირში.ნიშანდობლივია ისიც, რომ ეს ქალაქი მდებარეობს რაინის მხარეში, კერძოდ, ფვალციჰეია ამ ადგილს და რაინის მხარე, სადაც მარქსიცხოვრობდა და ცხოვრების საკმაოდ დიდი ნაწილი, ყოველ შემთხვევაში, თავისი გერმანული პერიოდი გაატარა - ეს იყო ის ადგილი, სადაც გერმანიაში მოხდა ინდუსტრიული რევოლუცია. ანუ ძირითადი ნაწილი გერმანიის ფაბრიკებისა სწორედ განლაგებული იყო რაინის მხარეში. შესაბამისად, ამ ბუნებრივმა გარემომ თუ გეოგრაფიამაც ძალიან დიდი როლი ითამაშა მის, როგორც მოაზროვნის,ჩამოყალიბებაში. ნიშანდობლივი და მნიშვნელოვანი არის აგრეთვე ის საოჯახო გარემო, რომელშიც ის დაიბადა და გაიზარდა და ამანაც საკმაოდ დიდი ზეგავლენა მოახდინა მისი აზროვნების ჩამოყალიბებაზე. კერძოდ, მარქსისწინაპრები იყვნენ ებრაელები, გერმანელი ებრაელები. მამამისი, ჰაინრიხმარქსი,იყო ადვოკატი და ის გადავიდა ქრისტიანობაზე, ანუ კონვერტირებული ებრაელი იყო. ერთ-ერთ მიზეზად ისიც სახელდება, რომ მას, როგორც ებრაელს, არ მიეცემოდა იმის უფლება, რომ ემუშავა იურისტად, ემუშავა ადვოკატად და იძულებული იყო, გაქრისტიანებულიყო. დედამისიც შემდგომში კონვერტირდა,ანუ გადავიდა ქრისტიანობაზე. ისინი მთელი ოჯახი იყო უკვე ამის შემდეგ პროტესტანტულ-ქრისტიანულისარწმუნოების მიმდევარი. მაგრამ, ამასთანავე, მარქსისორივე ბაბუა დედის მხრიდანაც და მამის მხრიდანაც იყვნენ ებრაელი რაბინები. ანუ, ამით ხაზი მინდა იმას გავუსვა, რომ მარქსიგაიზარდა რელიგიურ გარემოში. მისი რელიგიური აღზრდა გრძელდება გიმნაზიაშიც, ტრირისგიმნაზიაშიც, კერძოდ, ეს იყო ქრისტიანული ინტერნატი, სადაც მან მთელი ბავშვობა და სკოლის ასაკი გაატარა და მიიღო, შეიძლება ითქვას, მკაცრად ქრისტიანული აღზრდა. ეს ფაქტორები გამოიხატა შემდგომში მის აზროვნებაში და მისეულ რელიგიის კრიტიკაში. ანუ როდესაც მარქსიაკრიტიკებსშემდგომშითავის ნაშრომებში, განსაკუთრებით ადრეული პერიოდის

ნაშრომებში, რელიგიას, მან იცის, რაზე საუბრობს. ანუ ეს იყო ერთგვარი პასუხი საკუთარ წარმომავლობაზე და ადრეულ წლებზე, ბავშვობისა და სკოლის ასაკის პერიოდზე, როდესაც მას ძალიან ახლო კავშირი ჰქონდა რელიგიურობასთან და რელიგიის თემასთან.

სკოლის დამთავრების შემდეგ ის იწყებს სწავლას ჯერ ბონის უნივერსიტეტში, სადაც იურიდიულ ფაკულტეტზე სწავლობდა. მოგვიანებით მან შეიცვალა უნივერსიტეტი და გადასახლდა ბერლინში, სადაც ის სწავლას აგრძელებს ბერლინის იმ დროს ფრიდრიხ ვილჰელმის უნივერსიტეტში, დღევანდელ ჰუმბოლდტის უნივერსიტეტში. სწორედ ეს უნივერსიტეტი დაამთავრა და განსაკუთრებით მნიშვნელოვანი იყო ბერლინის წლები მის ცხოვრებაში, რამდენადაც აქ მან ფაქტობრივად უარი თქვა იურისტობაზე, რაც ასევე ოჯახის სურვილი იყო, რომ ის მამის კვალს გაჰყოლოდა და გამხდარიყო ადვოკატი ან მოსამართლე, ან რაღაც იურიდიული სფეროს წარმომადგენელი. ბერლინში ის ძირითად დროს უთმობდა სწორედ ფილოსოფიას და ისტორიის შესწავლას. ასეთი დეტალიც კი არის მისი ბიოგრაფიიდან, რომ ბერლინში მან დაიწყო ლიტერატურული ექსპერიმენტები, თუმცა როგორც მხატვრული ლიტერატურის ავტორი, მარქსიარ ჩამოყალიბდა მწერლად და სხვა მიმართულებით წავიდა. მაგრამ ბერლინში მან გაიცნო ძალიან ბევრი ის ადამიანი, რომლებმაც მასზე დიდი ზეგავლენა იქონიეს და შემდგომში მნიშვნელოვანწილად განაპირობეს მისი აზროვნება. კერძოდ, საქმე ეხება ჰეგელიანელთა ჯგუფს.

ჰეგელი, რომელიც იმ დროს არა მარტო გერმანიაში, არამედ მთელ დასავლურ აზროვნებაში ყველაზე მეტად გავლენიანი ფილოსოფოსი იყო... ჰეგელიგარდაიცვალა 1831 წელს და ის მოღვაწეობდა ბოლო წლები ბერლინის ფრიდრიხ-ვილჰელმის უნივერსიტეტში; ის ერთი პერიოდი რექტორიც კი იყო ამ უნივერსიტეტის. მისი გავლენით შეიქმნა სხვადასხვა სახის ჰეგელიანური ჯგუფები. ჰეგელიანელები (როგორც პოპულარული ფილოსოფიური მიმდინარეობის წევრები) იყოფოდნენ სხვადასხვა ჯგუფებად. იყვნენ კონსერვატორი ჰეგელიანელები, შედარებით უფრო ლიბერალი ჰეგელიანელები და სოციალისტი ანუ მემარცხენე ჰეგელიანელები. მარქსი, რა თქმა უნდა,

აღმოჩნდა მემარცხენე პროსოციალისტური ორიენტაციის ჰეგელიანელთა ჯგუფში. ყველა ამ დაჯგუფებას ჰქონდა სხვადასხვა ნაირი ნაკითხვის მეთოდი

ჰეგელის, ჰეგელის ინტერპრეტაციის და, ამავე დროს, სხვადასხვა მიზნებისთვის სურდათ მათ ჰეგელის ფილოსოფიის გამოყენება. ყველაზე გავრცელებული იყო ჰეგელის პოლიტიკური ინტერპრეტაცია და ახალგაზრდა ჰეგელიანელები ცდილობდნენ ჰეგელის ფილოსოფიის პრუსიის სახელმწიფოს რეფორმისათვის გამოყენებას. ჰეგელი, მოგეხსენებათ, იყო ამავე დროს სამოქალაქო საზოგადოების (ტერმინი „სამოქალაქო

საზოგადოება“ მოდის ჰეგელისგან, პირველი თეორეტიკოსი [იყო] ამ მოვლენის) და, შესაბამისად, პრუსიის სახელმწიფო, რომლის მოქალაქეც მარქსი იყო და ბერლინი იყო პრუსიის დედაქალაქი - საკმაოდ მილიტარისტული და კონსერვატორული სახელმწიფო იყო პრუსია და სწორედ ეს ახალი თაობა მიზნად ისახავდა ამ სახელმწიფოს რეფორმას და მის გაუმჯობესებას. შესაბამისად, სოციალისტი ჰეგელიანელებიც თავისებურად ცდილობდნენ, წაეკითხათ და გაეგოთ ჰეგელი. საქმე ეხებოდა არა მხოლოდ ჰეგელის ინტერპრეტაციას, არამედ მის კიდევ უფრო წინ წაყვანას და სხვა მიმართულებით გამოყენებას. კერძოდ,

ჰეგელიმარქსსაცდა მის თანამოაზრეებსაც არ წარმოედგინათ, როგორც დასრულებული სისტემის ავტორი, არამედ ისეთი ტიპის მოაზროვნე, რომლის ფილოსოფიაც შემდგომ განვითარებას და დახვეწას და ახლებურად განვრცობას საჭიროებდა. ამპერიოდში,მარქსი,კერძოდ, 1841 წელს, მიდის იენის უნივერსიტეტში, სადაც ის იცავს სადოქტორო დისერტაციას. მისი სადოქტორო დისერტაციის თემა იყო „განსხვავება დემოკრიტესადაეპიკურესსაბუნებისმეტყველოფილოსოფიებსშორის.ამის შემდეგ ის ბრუნდება ბონში,სადაც ჰქონდა იმედი, რომ გახდებოდა ფილოსოფიის პროფესორი,მაგრამმარქსიარ მიიღეს პროფესორად. აქ სხვადასხვა ფაქტორებმა ითამაშა თავისი როლი და ის იძულებული გახდა მოეძებნა სხვა საქმე. ის იწყებს პუბლიცისტობას. 1842 წელს მარქსიხდება„რაინიშეცაიტუნგის“- გაზეთის - რედაქტორი, მაგრამ იმის გამო, რომ მის პუბლიკაციებს და მის სააზროვნო სტილს საკმაოდ აჟიოტაჟიც კი შეიძლება მოჰყოლოდა იმდროინდელი ცენზურისმხრიდან,მარქსიიძულებული გახდა, რომ გადაერჩინა ეს გაზეთი, უარი ეთქვა რედაქტორობაზე და ძირითადი დრო დაეთმო უკვე საკუთარი ფილოსოფიისდასაკუთარიაზრების ჩამოყალიბებისათვის. პირველი მისი ცნობილი ნაშრომი ქვეყნდება სწორედ ერთი წლის შემდეგ, 1843 წელს, და ეს არის ”ჰეგელისსამართლის ფილოსოფიის კრიტიკისათვის“. ეს ნაშრომი იმითაც არის ცნობილი, რომაქ ჩამოაყალიბა მარქსმარეალიგიის კრიტიკის თავისი ძალიან ცნობილი დებულებები. რელიგიის განსაზღვრება, როგორც ხალხის ოპიუმი, რითაც ის ძალიან ცნობილია და თვითონ ეს ფრაზაც შემორჩა. შემდგომში უკვე საბჭოთა კავშირში ლენინმა მას ერთგვარი ლოზუნგის შინაარსიც კი მიანიჭა. საინტერესოა, რომ მარქსირელიგიას აკრიტიკებს სოციალური პერსპექტივიდან. თვითონ ეს ფრაგმენტი იწყება ასე: „რელიგია გადუხჭირებულთაკენესაა, უგულო სამყაროს საგულეა, ისევე როგორც არასულიერებისსული, იგი ხალხის ოპიუმი“.ეს არის სწორედ მარქსისსიტყვები. შემდგომში მას მიაჩნია, რომ რელიგიას, როგორც ოპიუმს, ნარკოტიკულინივითერების ზემოქმედება აქვს და ის უყურებს იმ რეალურ ტკივილებს, რომელიც ხალხს აქვს სოციალური და ეკონომიკური უთანასწორობის და უსამართლობისგან მიღებული. შესაბამისად, რელიგიის კრიტიკა მას მიაჩნია აუცილებლად და შეიძლება შედეგიანი იყოს მხოლოდ და მხოლოდ მაშინ, როდესაც მოგვარდება ან დაიძლევა სწორედ სოციალური და ეკონომიკური პრობლემები. ამდენად, ეს არ ყოფილა, უბრალოდ, ვთქვათ, ჩვეულებრივი ათეისტური გამონათქვამი, არამედ ამ გამონათქვამის უკან იდგა ძალიან ძლიერი სოციალური კრიტიკის მთელი პროგრამა. შემდგომში, მის მომდევნო ნაშრომებში ეს კრიტიკა უფრო და უფრო მეტად სისტემატურ ხასიათს იღებს.

1884 წელს ინერება

მარქსისდაუსრულებელინაშრომი„ეკონომიკურ-ფილოსოფიურიხელნაწერები“.ამ ნაშრომის გამოქვეყნება მარქსმავერ მოახერხა და ის მხოლოდ მისი გარდაცვალების შემდეგ დაიბეჭდა.მნიშვნელოვანია ეს ნაშრომი იმითაც, რომ აქ მარქსმაჩამოაყალიბა შრომის თუ შრომითი გაუცხოების დებულება. რას ნიშნავს ”შრომითიგაუცხოება“? ამაში გულისხმობს მარქსიიმას, რომ მუშა, რომელიც აწარმოებს პროდუქციას, ის გაუცხოებული არის თავის სამუშაოსთან და მის მიერ შექმნილ პროდუქტთან. რას ნიშნავს ეს? ადამიანი ქმნის პროდუქციას, რომელიც მას არ ეკუთვნის. ის ასრულებს სამუშაოს, რომელიც მისი არ არის.

ანუ ის გამოიყენება, როგორც საწარმოო საშუალება. და, შესაბამისად, ადამიანი მუშაობს და არც მის მიერ შესრულებული სამუშაო და არც მის მიერ შექმნილი პროდუქცია მას არ ეკუთვნის. სხვათა შორის, გაუცხოების ეს დებულება შემდგომში, მე-20 საუკუნეში, აიღო ეგზისტენციალურმა ფილოსოფიამ და სწორედ მარქსისამ გამოუქვეყნებელ ნაშრომს ეყრდნობა ძალიან მნიშვნელოვანი ასპექტი მე-20 საუკუნის ეგზისტენციალიზმისა. ეს დებულებები კიდევ უფრო მეტად გააღრმავა მარქსმამოგვიანებით, ერთი წლის შემდეგ დაწერილ თეზისებში ფოიერბახის შესახებ. გერმანელი ფილოსოფოსი ლუდვიგ ფოიერბახი მარქსის ერთ-ერთი მასწავლებელიც კი იყო. მასწავლებელი ამ შემთხვევაში არ გულისხმობს მასწავლებლისა და მოსწავლის უშუალო ურთიერთობას. მარქსმა ძალიან ბევრი რამ გადაიღო და ისწავლა ფოიერბახისგან. ფოიერბახიც არ ყოფილა აკადემიური ფილოსოფოსი. ის არ იყო რომელიმე უნივერსიტეტის პროფესორი და ცნობილი გახდა, პირველ რიგში, როგორც რელიგიის კრიტიკოსი (მისი ცნობილი ნაშრომი, სხვათა შორის, ქართულ ენაზეც თარგმნილი, არის - „ქრისტიანობის არსი“) და, ამავე დროს, როგორც ისტორიის ინტერპრეტატორი. ფოიერბახის ისტორიას განიხილავს, როგორც სტატიკურ მოვლენას. აქ წააწყდა მარქსი მთავარ სირთულეს და, შესაბამისად, ფოიერბახის კრიტიკული ანალიზის დროს ის თანდათანობით იწყებს იმ დებულების, ისტორიის გაგების ისეთი პრინციპების ჩამოყალიბებას, რომელიც შემდგომში მარქსის და მარქსისტული ფილოსოფიის ერთ-ერთ მთავარ ასპექტს, კერძოდ, ისტორიულ მატერიალიზმს დაედო საფუძვლად. კერძოდ ის, რომ ისტორია არ შეგვიძლია (ისევე, როგორც ადამიანების ცხოვრება და სამყარო) წარმოვიდგინოთ, როგორც რაღაც სტატიკური მდგომარეობა. ანუ ადამიანი, ისევე, როგორც მისი გარემოც, სამყარო, მუდმივ ცვლილებაშია და ეს უკავშირდება ადამიანის საქმიანობას - ადამიანი იცვლება მუშაობასთან, საქმიანობასთან ერთად, ისევე, როგორც ის ცვლის თავის გარემოს. გარემოც და ადამიანიც, სამყაროც და ადამიანიც, არის დინამიკა, მუდმივი დინამიკა და, შესაბამისად, ესა თუ ის ისტორიული მოვლენა (ეს არის შემდგომში უკვე ისტორიულ მატერიალიზმად ჩამოყალიბებული მარქსისტული დებულების ერთ-ერთი მთავარი პრინციპი) - ყველაფერი უნდა განვიხილოთ კონკრეტულ ისტორიულ კონტექსტში. ანუ, ჩვენ ვერ ვიტყვით, რომ არსებობს რაღაც ასეთი უნივერსალური პარადიგმები, რომლებიც დროში არ იცვლება. მარქსისტული ფილოსოფიის ერთ-ერთი მთავარი ამოსავალი წერტილი სწორედ კონკრეტული ისტორიული კონტექსტებია და ამ კონკრეტულ ისტორიულ კონტექსტებში ადამიანების, როგორც ისტორიის მამოძრავებელი ძალის, მუდმივი ცვალებადობა. „თეზისები ფოიერბახის შესახებ“ იმითაც არის მნიშვნელოვანი და ცნობილი, რომ ამ ტექსტში არის მარქსის ერთ-ერთი ყველაზე ცნობილი აფორიზმი მოცემული ან ცნობილი ფილოსოფიური დებულება, საკმაოდ ბევრი ფილოსოფოსის მიერ საკამათო თემად ქცეული. კერძოდ ის, რომ მარქსი ამბობს ასეთ რამეს, რომ: „ფილოსოფოსებია ქამდე მხოლოდ სხვადასხვა გვარად განმარტავდნენ სამყაროს, ხოლო ახლა კი ფილოსოფიის საქმე არის ის, რომ მათ შეცვალონ სამყარო“. ანუ მარქსი ახალშინაარსს და ახალ მიზანმიმართულებას ანიჭებს ფილოსოფიას და ფილოსოფოსს, რომ ფილოსოფოსი უნდა გახდეს სამყაროს შემცვლელი.